

ՀՈՍԱՆՔՆԵՐ ԱՅԺՄԵԱՅ ԲՆԱԳԻՏԱԿԱՆ ՖԻԼՈՍՈՓԱՅՈՒ- ԹԵԱՆ ՄԷՋ

Ա. ԲԱՐԵԼԵԱՆԻ

Ես կարծում եմ, թէ «Մուրճ» ամսագրի մանաւանդ ամենահարցառէր մասին գոհունակութիւն պատճառած կը լինեմ, մի ամփոփ խօսքով ներկայացնելով նորա առջև ալն բոլոր ուղղութիւնները, որոնք ալժամ գոյութիւն ունին գիտութեան մէջ՝ բնական երևութների բացատրութեան համար, օգտւելով վերևի վերնագիրը կրող պր. Կեօնիգի մի խօսքով, որ հրատարակեց նորերումս գերմաներէն լեզուով: Այս ասելով ես մանաւանդ ի նկատի ունիմ ալն բոլորովին բացառիկ հետաքրքրութիւնը, որով թէ պատանեկական և թէ մանաւանդ երիտասարդական հասարակութիւնը կրում է դէպի բնագիտական ֆիլոսոֆալութեան սիստեմները: Նկարագրութեան կարօտ չէ, թէ ինչ ազահութեամբ, ներեցէք ասելս, ինձ կատաղի ոգևորութեամբ, կարդացել են ամեն մէկը իւր ժամանակ և կամ բոլորն էլ միաժամանակ Օգիւստ Կոնտի, Բիւխսների, Մալչոտի, Դարւինի, Հեկելի, Կարլ Ֆոլտի, Հարմանի և շատ ուրիշների գրածները: Ամեն մի նոր գիրք, որ իւր հետ բերել է մի որ և է նոր բացատրութիւն բնական երևութների սկզբնապատճառի մասին, — նալն ալ գիրքը կամ նորա հեղինակի աշխարհայեցողութիւնը առհասարակ տեղ է բռնել թէ եւրոպական, թէ ռուսական և թէ դորա հետ ճան հակական մանաւանդ համալսարանական երիտասարդութեան կեանքի ընթացքի մէջ: Բնագիտական ֆիլոսոֆալութեան հետ միասին՝ հասուցանող մատաղ սերնդի ուշքն ու միտքը զբաղող գիտութիւններից պէտք է, ի հարկէ, Վիշկէլ քաղաքատնտեսական և սոցիալական գիտութիւնները, որոնք ալքան և ալքան սիրած առարկաներ են թէ մասնագիտութեան և թէ ընթերցանութեան և ուսումնասիրութեան նւիրածների համար, և ոչ միայն համալսարանական շրջաններում, ալ և նոյն իսկ գաւառական երիտասարդութեան և առհասարակ ինտելիգենցիայի շրջաններում, ուր ալք չափշ-

տակութեան համեմատ չը կան համապատասխան միջոցներ հեղինակների գաղափարներին մօտ ձանձօթանալու համար:

Համարձակ կարելի է ասել, որ, քաղաքակրթած ազգերի իրար չաջորդող սերունդները, անցեալ և մանաւանդ ներկա դարում, գտնել են բնագիտական ֆիլոսոֆալութեան և սոցիալական գիտութիւնների մէջ տիրապետող հոսանքների հղոր ազդեցութեան ներքոյ և որ ալդ երկու գիտութիւնները որոշել են ամեն մի սերունդի աշխարհայեցողութիւնը, դորա հետ նաև նոցա՝ մէկ կողմից ոգու ուղղութիւնը, միւս կողմից՝ հասարակական գործունէութեան բնաւորութիւնը:

Եւ այն, ինչ ևս ասում եմ ալստեղ, ալդ իւր վերաջ տեսել է և փորձել մեղնից ամեն մէկը, որ անց է կացել մեր աշխուշ դպրոցներով սկսած միջնակարգից մինչ բարձրագոյնը: Եւ որ բնագիտական ֆիլոսոֆալութեան և սոցիալական գիտութիւնների մէջ երևան եկած և շարունակ չալանող հոսանքները մեծ տեղ պէտք է բռնեն մեր նորարդող երիտասարդութեան կազմելու և նորագոյն գրականութեան զարդանալու, դորա հետ նաև հակակական աշխուշ գոյութիւն ունեցող խմբերի և կուսակցութիւնների ստեղծելու պատմութեան և գործունէութեան մէջ,—ալդ մի կէտ է, որ կարող էր խոյս տալ մեր «երիտասարդութիւնը» առաջին անգամ ուսումնասիրող Բաֆֆիից, բաւց որին անշուշտ իւր տեղը կը տալ մեր գրականութեան և հասարակութեան ապագայ պատմաբանը:

Անցնենք, սակայն, բուն խնդրին: Բնագիտական ֆիլոսոֆալութեան մասին մանաւանդ վատ գաղափար ունէին ճիշդ հետազոտողները, նոքա, որոնք ֆիլոսոֆալութիւնից ոչինչ չէին ուղղում լսել, ալդ խօսքի հետ կապելով լիշողութիւն ֆիլոսոֆալական չրջաններում արդէն վաղուց մոռացած գերմանական իդէալիզմի ջանքերի մասին, որոնցով ուղղում էին բնութեան բոլոր երևոյթները զուտ գաղափարական, ալսպէս կոչւած՝ դիալեքտիքական ճանապարհով բացատրել: Ֆիլոսոֆալութիւն խօսքի հետ կապելով մի ալդպիսի գաղափար, փաստերի վերաջ հիմնող բնագէտները իւր ժամանակին պատերազմ մղեցին ալդ անունի դէմ: Կարլ Ֆոդտ, Բիւխնէր և ուրիշներ, որոնք մանաւանդ չալտնի են իրանց ալդ բանակուտով, կարելի է ասել դուր կերպով ալդքան վրդովեցին, որովհետև ալժամ բնագէտների մեծագոյն մասը հաշուել է ալդ խօսքի հետ: Անգլիացիք ասում են natural philosophy և դորանով նոքա հասկանում են ուղղակի՝ գիտութիւն բնութեան մասին: Մինչդեռ գերմանացիք մանաւանդ առաջ ջոկում էին զուտ փորձնականը և ճիշդը՝ լոկ գաղափարականից և սպեկուլատիւից: Ալժամ ալդ խտրութիւնը ալ ևս առաջաջ նման չի անուում, որովհետև մի՛ խօսքիս խիստ իմաստով՝ զուտ փորձնական (էմպիրիկական) գիտութիւն չը կալ և չի կարող լինել: Ով փորձնական (էմպիրիկական) հետադոտութեան

մեթոդների հետ քիչ ու շատ ծանօթ է, նա գիտէ, որ աղջկախի հետազոտութիւն չի կատարուում և չի կարող կատարել առանց մի քանի աքսիոմական ենթադրութիւնների, իսկ աքսիոմական են կոչուում այն ենթադրութիւնները (հիպոտէզ), որոնք չեն բղխում փորձից, այլ ստիպւած ընդունում ենք իբր ճիշդ, թէև ապացուցել անկարելի է։ Բնական գիտութիւնների մէջ, որպէս Հելմհոլցը արձան հիանալի կերպով ցոյց է աւել, ամեն մի փորձի (էքսպերիմէնտ) գլխաւոր հիմունքը կազմում է այս աքսիոմը, թէ երևութների շատ անգամ առ երևութ անկանոն ընթացքի մասնաւորութիւնները իրարից կախումն ունեն։ Այդպէս է, որ կոչուում է պատճառի սկզբունք և կամ, որպէս բոլոր եւրոպական լեզուներում կոչուում է՝ կառուալ-պրինցիպ (causa=պատճառ)։ Արդ, բնական գիտութիւնը, ունենալով իբր հիմունք մի աղջկախի աքսիոմ, չի կարող աղ խնդրով չը զբաղւել, իսկ աղջկախի դբադմունք տանում է դէպի ֆիլոսոֆալութեան ճանապարհը։

Միմիաւն երբ մի աշխարհայեցողութիւն, ֆիլոսոֆալութիւն՝ հակառակ բաներ է պնդում, քան ինչ փորձնական հետազոտութիւնը ցոյց է տալիս, ուրեմն երբ նա հաշի չի առնում փորձով հաստատած ճշմարտութիւնը,—այն ժամանակ միայն բնական գիտութիւն և բնագիտական ֆիլոսոֆալութիւն իրար հակառակ գաղափարներ կը լինեն։ Խօսելով բնագիտական ֆիլոսոֆալութեան հոսանքների մասին, մենք ուզում ենք խօսել այն ուղղութիւնների մասին, որոնք չալտնել են երևութների սկզբնապատճառների բացատրութեան նկատմամբ։ Եւ որ աղ մասին ոչ մէկ՝ այլ զանազան ուղղութիւններ կան, աղ ամենալաւ ապացոյց է, որ նոյն իսկ փաստերը արձան պարզ չեն, որ ամենքը միատեսակ ըմբռնեն և որպէս, ինչ մենք փաստ ենք անուանում, նորա ինչ լինելը մասամբ կախած է մտածելու եղանակից։

Որպէս իշխող և ամենանշանաւոր բնագէտներից մինչ ալթմ պաշտպանած բնագիտական ֆիլոսոֆալական հալեացք կարելի է լիչել՝ մեքենաչալական ատոմալին թեօրիան։ Աղ թեօրիալի գլխաւոր իմաստը, ինչպէս չալանի է, ալն է, որ նա ընդունում է թէ բնութեան մէջ ինչ որ կատարւում է, ոչ ալ ինչ է, եթէ ոչ շարժողութեան պրոցեսներ, ալսինքն բոլոր առերևութ չատկոձթեան փոփոխութիւնները միայն երևում են աղպէս, բալց որ իսկապէս չատկոձթիւնները չեն փոխւում, ալ էլեմենտների դասաւորութիւնն է փոխւում, էլեմենտներ, որոնք իրանք անփոփոխ են մնում։

Որպէս անփոփոխ և երևութների զանազանակերպ խաղերը արտադրող էլեմենտներ՝ նկատւում են ատոմները, որոնց գլխաւոր չատկոձթիւնը ալն է, որ նոքա ներկալացնում են մի որոշ մասսա և ընդունակութիւն ուրիշ իրանց նման ատոմներին շարժողութիւն հաղորդել։ «Բնութիւն ճանաչելը», ասում է Բերլինի պրօֆեսոր ֆիզիօլոգ Դիւ Բուա-Րէլմօն (Du

Bois-Reymond): «Ճշանակում է մարմնական աշխարհի փոփոխութիւնները բացատրել ատոմների շարժումներով, որոնք նորա՝ ժամանակից անկախ ուժերով արտադրում են, որ նոյնն է թէ բնութեան երևոյթները առումների մեխանիկայի վերածել ¹⁾».

Արդ, եթէ բոլոր այն բնական երևոյթները, որոնք որ և է ֆիզիքական կողմ ունին (և այդ ունին բոլորը), բոլորում են ատոմների դասաւորութեան փոփոխութիւններից, ուրեմն պէտք է որ կարելի լինէր ֆորմուլաների մի սիստէմ ստեղծել, որով բոլոր բնական եղելութիւնների ընթացքը առաջուց կարելի կը լինի հաշուել: Բայց այդ մի իդէալ է, որին բնութեան մեխանիքական թեօրիան ոչ միայն չի հասել և, մաթեմատիքական հիմունքներով՝ երազային է, այլ դեռ խնդիր է, թէ որքան այդ ատոմական (կամ մեխանիքական) թեօրիան ճիշտ է, որովհետեւ նորա դէմ կան չափունած ամենալուրջ կասկածներ, որոնցից կարևորագոյնները մենք կը շոշափենք այստեղ:

Թէև բնական գիտութեան զանազան մասերի համար այս ենթադրութիւնը, թէ մարմինները ատոմներից են բաղկացած՝ շատ օգտակար ծառայութիւններ է արած, բայց մինչև այժմ անկարելի է եղած ատոմի դադափարը վերջնական կերպով որոշել, եթէ միայն ատոմ ասելով հասկանանք ամենասկզբնական մասնիկը կամ իսկական վերջին անբաժանելի իրը: Ֆիզիքոսի համար ամենավերջին էլեմենտները մոլեկուլներն են, Բայց քիմիկոսը իրան ստիպած է տեսել այդ մոլեկուլները ատոմների բաժանել, որով քիմիկոսը կարողանում է բացատրել քիմիական երևոյթները: Բայց այժմ երևոյթներ կան, որոնց բացատրութեան համար ատոմային բաժանմունքը բաւարարութիւն չի տալիս, որովհետև չափունի փաստերը ջերմութեան վերաբերեալ ենթադրել են տալիս, որ քիմիական ատոմները պէտք է ընդունել որպէս աւելի ևս փոքրիկ մասնիկների գրուպպաներ: Զերմութիւնը այժմ բացատրում է մեխանիքական թեօրիակով, որը ընդունում է գազերի սկզբնամասնիկները իբր առաձգական, ուրեմն նա ընդունում է այդ մասնիկները իբր ընդարձակած, մինչդեռ ֆիզիքայի միւս բաժիններում նկատուած են մարմինների էլեմենտները որպէս տարածւելու կամ ընդարձակւելու անընդունակ կէտեր կամ որպէս ոչ ժիկ են տրոհներ: Նոյնպէս ցալժմ հաստատ չէ, թէ այդ էլեմենտները իրար խփելով են իրար վերալ ազդում, թէ գուցէ հեռաւորութեան վերալ էլ իրար քաշում են կամ իրար լծտ մղում: Մէկերին այդ «ներգործութիւնը հեռաւորութեան վերալ» անհասկանալի է, որովհետև նա չի կարողանում ընդունել որ մի մարմին, չեղած տեղից, կարող է ներգործել, մինչդեռ միւսները չափունում են, թէ իրար

¹⁾ Naturerkennen ist Zurückführen der Veränderungen in der Körperwelt auf Bewegungen von Atomen, die durch deren von der Zeit unabhängige Kräfte bewirkt werden, oder Auflösung der Naturvorgänge in Mechanik der Atome.

հետ չփակելը ամենևին գոյութիւն չ'ունի, քանի որ միեւնոյն կէտում չեն կարող երկու մասնիկներ լինել: Կարճ ասած, առումի գաղափարը դեռ ևս միանգամայն անորոշ է և տատանւող:

Յիշատակե՛ք սակալն և ալս, որ ներերումս փորձ են անում մեխա-
նիքական աշխարհացողութեան սկզբունքը պահպանել, իսկ ներքի
ատոմիստական կազմը՝ գէն գցել: Հելմհոլցի հետազոտութեան հիման
վերալ շարժումների մասին միատեսակ իրար ճշնելու անընդունակ
հեղուկների մէջ՝ Թոմասոնը միտք լցացաւ՝ մարմնակին աշխարհի սուբս-
տրատը իբր մի՝ որոշ լատիութիւններով օժտւած շարունակող մեղիում
նկատել, որի մէջ ալ, ինչ ատոմ են անուանում, միայն շարժողութեան
ձևեր են: Բայց դորա գէմ արդէն ալ կարելի է ասել, որ մի միատեսակ
և անսահման մեղիումի մէջ շարժողութեան գաղափարը կորցնում է ամեն
մի նշանակութիւն, քանի որ մի շարժողութիւն կարելի է երևակայել մի-
միայն, երբ նիւթական կէտեր կամ ուղղակի ասած՝ նիւթ կալ:

Աւելի ևս կասկածներ է լարուցանում մեխանիքական թեօրիան, երբ
լաջորդական կերպով մեխանիքական սկզբունքները ուզում ենք օրգանա-
կան աշխարհի վերալ անցկացնել: Եթէ բնութեան բոլոր երևույթները ա-
տոմների մեխանիքալի վերալ են հիմնւած, պէտք է որ զորանից բացառու-
թիւն չը կազմէ նաև օրգանական կեանքը՝ ալսինքն ալ, ինչ ապրում է՝
բուսական և կենդանական կեանքը: Եւ իրօք, Ֆիզիոլոգիայի ամենանշա-
նաւոր ներկայացուցիչները, սկսած ֆրանսիացի Կլոդ Բերնարից (Claude
Bernard), իրանց պաշտօնն են համարել, նաև կեանքի երևույթները
իրանց ամբողջ ծաւալով ֆիզիքական—քիմիական պրոցեսների, ուրեմն
միջապէս ատոմների մեխանիքալի վերալ հիմնել: Բայց դորանով արդէն
նաև հոգեկան կեանքը անխուսափելի կերպով կը կապակցուի մեխա-
նիքական օրէնքներով կատարւող բնական երևույթների հետ և
ուրեմն բոլոր մեր գործողութիւնները պէտք է երևան իբր որոշ-
ւած ֆիզիքական պատճառներով, ալնպէս որ ներքին շարժառիթ-
ները ալ ֆիզիքական պատճառների կշռին ոչինչ նշանակութիւն չեն
կարող ունենալ:

Այդ բանի նկատմամբ ամենից առաջ նշանաւոր է օրէնքը էներ-
գիան պահպանելու մասին: Գործողութիւնը ենթադրում է էներգիա
(որոշ ուժ): Իսկ որտեղից է ծագում էներգիան: Պատասխան՝—էներգիան
ամբարւած է ջրերի (մուսկուլ) մէջ և ուղեղից տւած դրդումով նա նոյն
ձևով ազատւում է կամ լուծւում է բոլորովին ալնպէս, ինչպէս շոգեմեքենան
գործունէութեան մէջ է գցւում իւր կառավարչից: Բայց ալ դրդումը
նշանակում է կրկին մի, թէկուզ որքան էլ լինի փոքր, աշխատանք,
ջանք, ուժ, ֆիզիքական էներգիայի սպառումն, որ չի կարող կատարւել
առանց ֆիզիքական պատճառի: Կարճ ասած, աներևակայելի է, որ ուղեղի
որ և է կէտում «կամք» ասած բանը իբր ֆիզիքական պատճառ գործու-

նէութեան մէջ գնէ մարմնապէն մեքենան, թէ չէ պէտք էր ընդունել, որ հոգեկան էներգիան ոչնչից ստեղծւեց: Բոլոր փորձերը, ¹⁾ որ արւած են ալդ եղրակացութեան ճշշումից ազատելու համար, ապարդիւն են անցել: Պէտք է նկատած, որ էներգիա աւստեղ նորմանչան է շարժողութեան հետ. պարզ է ուրեմն, որ շարժողութեան ոչ մեծութիւնը եւ ոչ ռազմութիւնը չեն կարող փոխել ալլ բան ֆիզիքական պատճառներով:

Այսպիսի աշխարհացողութեան մօտ չի կարող ի հարկէ խօսք լինել կամքի աղատութեան մասին, քանի որ մեխանիքական հասկացքի համեմատ՝ ոգեկան կեանքը մի միանգամայն անգործոն երևութ է և արտափալումն է ֆիզիքական կեանքի: Եթէ բոլորը, ինչ կատարուում է, մի արդիւնք է նիւթական էլեմենտների (տարրերի) փոխադարձ շարաքերութիւնների, ուրեմն իրերի ընթացքը ոչնչով չի փոխւիլ, եթէ աչն ինչ անուանում ենք զգացողութիւն, մտածողութիւն և կամք՝ բոլորովին աշխարհից անկախացած երևակայնք և աչս պէտք է բնութեան մէջ մի աւելորդութիւն երևար, որ նա հոգեբանական դրութիւնները կապել է ուղեղի մէջ ֆիզիոլոգիական պրոցեսների հետ: Պարզ է, որ մեխանիքական թեօրիան ալնպէս, ինչպէս մենք վերը բացատրեցինք, բաւարար կերպով չի պատասխանում ալդ հարցերին. նա դժւարութիւններ է լարուցանում ոգեկան կեանքը պարզաբանելու նկատմամբ:

Ահա, ալդ դժւարութիւններն են, որ աշխատում էր բառնալ ալսպէս կոչւած «մոն ի ստական» ուղղութիւնը. բաց անլաջող կերպով. Նուաւրէ, Հեկէլ և ուրիշները քարոզեցին, թէ զգալու ընդունակութիւնը պէտք է ընդունել իբր ատոմների սկզբնական լատկութիւններից մէկը, ալսինքն, որ մարմնապէն աշխարհի էլեմենտները երբէք և ոչ մի տեղ չեն «մեռած նիւթ», ալլ առանց բացառութեան նոքա կենդանի են, ալսինքն թէ նոքա արտաքին, մեխանիքական փոխադարձ ներգործութիւնների հետ կապւած են ներքին հոգեկան դրութիւններ, որոնցից զարգանում է հոգեկան կեանք, երբ ատոմները որոշ դասաւորութեամբ են իրար հետ կապւած (օրինակ, ալնպիսի դասաւորութեամբ, ինչպիսին կալ կենդանիների ուղեղի մէջ):

Նման հասկացք մենք դառնում ենք նաև Ֆիլաների և Յօլների մօտ: Բաց ալդ մարդկանցից և ոչ մէկը չը կարողացաւ ցոյց աալ, թէ ինչպէս իրարից բաժան ատոմների մէջ խաղացող հոգեկան դրութիւնները կարող են միանալ՝ մի ընդհանուր հոգեկան կեանք արտադրելու համար:

Պարզ է, որ քանի որ ատոմիստական կամ մեխանիքական թեօրիան դեռ ևս չի կարողանում մեզ բացատրել բոլոր բնական երևութները, նա ուրեմն դեռ ևս կրում է ֆիլոսոֆիական-և-նիւթադրական կամ սպեկուլա-

¹⁾ Յիշատակենք միայն Նուաւրէի (Noiré) փորձերը՝ նորա «Doppelnatur der Causalität» գրքում և Բուսինէի (Boussinesq) փորձերը (ալս «Compte rendu de l'Académie des sciences morales 1878 (թ.), որը դատողութիւնները չափազանց սրամիտ են:

տիւ բնաւորութիւն. ջր նալած դորան, սակալն, գիտութիւնը ալք թօրեան պինդ պահում է: Հարցը սա է, թէ ինչ է դորա պատճառը, ինչ տրամաբանական հիմունքներ ալք թօրեան ստեղծեցին և ինչու գիտնականները մեծ հաւատով են վերաբերում դէպի նա:

Ալք նորանից է, որ նա՝ փորձից քաղած փաստերի բացատրութեան համար մեծ բաւարարութիւն է տալիս: Ալք թօրիալով է միայն հասկանալի դառնում, թէ ինչու զանազան Նիւթեր իրար հետ քլմկապէս միանում են միմիայն որոշ ծանրութեան կամ քաշի չարաբերութիւններով (օրինակ, ջրի մէջ՝ մի քաշ ջրածնի հետ միանում են միայն երկու քաշ թթւածին և ալլ՝): Ալք կարելի է ըմբռնել միայն, երբ ընդունենք որ նորա ատոմները զուգ-զուգ կամ առհասարակ որոշ քանակութեամբ են երևան գալիս: Ալք թօրիալով է, որ մենք կարողանում ենք ըմբռնել լուսի ճառագայթի շեղումը լալանի դէպքերում և ալլ: Առհասարակ մենք կարողանում ենք բնութեան մի երևոյթ միայն ալքքանով հասկանալ, որքան մենք կարողանում ենք ալք երևոյթը վերածել մաթեմատիքական—մեխանիքական չարաբերութիւնների: Իսկ դորա համար անհրաժեշտ է, որ չատկութիւն ասած բանը ընդունենք իբր քանակութիւնների չարաբերութիւնների, ալսինքն պէտք է ընդունենք, որ մի երևոյթ, մի իր փոխւեց, որովհետև նորա ատոմների չարաբերութիւնները փոխւեցին, օրինակ, Նոքա իրարից հեռացան, կամ աւելի մօտեցան կամ ատոմների զասաւորութիւնը փոխւեց և ալլ:

Ահա ինչու գիտնական մտածողութիւնը մեղ ստիպում է երևոյթները ըմբռնել և բացատրել մեխանիքական կերպով: Բայց, ինչպէս տեսնում է ընթերցողը, մեծ դժարութիւնների ենք հանդիպում ալք ճանապարհի վերալ: Ահա, հենց ալք դժարութիւններն են և ալք անկարելիութիւնը երևոյթների սկզբնապատճառները պարզ ըմբռնել, ալս հարցին տեղիք տւեց, թէ արդեօք որքան հեռու կարող ենք գնալ ալք ճանապարհով և առհասարակ որքան արդարացի է մեր պահանջը՝ փաստերը ըմբռնել: Եւ ահա քանի գնաց ալքքան աւելի ձայներ լսեցին, որոնք սկզբունքով հերքում էին ալք տենդենցիան, որը Նոքա չափարարեցին որպէս անիրագործելի: Առաջին անգամ ալք մտքով իւր ձայնը բարձրացրեց Ֆրանսիացի ֆիլոսոֆալ Օգիւստ Կոնտ (Auguste Comte) դեռ քառասնական թականներին, հիմնագիրը ալն շկուպի, որ նորա որոշմամբ կոչւում է դրական (պոզիտիւ), նորա հետևողները կոչւում են պոզիտիւիստներ, իսկ նորա ուղղութիւնը կամ դպրոցը կոչւում է պոզիտիւիզմ:

Ըստ պոզիտիւիզմի, բոլորը, ինչ կարող է անել գիտութիւնը, ալն է, որ նա մասնաւոր երևոյթները պէտք է հիմնէ ընդհանուր օրէնքների վերալ, ալս վերջիներն էլ զուցէ ևս առաւել ընդհանուր օրէնքների վերալ և ալլ, բայց որ ամենաբարձր, ամենաընդհանուր օրէնքները գիտութեան կողմից անհրաժեշտ կերպով պէտք է մնան չը բացատրած և

ըմբռնած: Նիւտոնը մեր պլանետային ախտէմի բոլոր երևութները բացատրեց մի ընդհանուր օրէնքով, որ է մարմինների ձգողութեան (գրավիտացիայի) զօրութիւնը: Նա մաթեմատիքապէս գուրս բերեց, թէ ինչ կերպով մարմինները իրար ձգտում են: Բայց թէ ինչու ալդ օրէնքը ալդպէս է՝ դրան պատասխանել անկարելի է: Յետոյ՝ եթէ մեխանիքական գործողութեան օրէնքը մենք մանաւանդ ըմբռնելի ենք գտնում, և ալդ պատճառով բոլոր երևութները դորա վերալ ենք ուղղում հիմնել—ալդ միայն թւում է մեզ ալդպէս, որովհետև, օրինակ, չփոսմով շարժողութիւն հաղորդելը մի նոյնքան անհասկանալի փաստ է, որպէս մի որ և է ուրիշ ֆիզիքական երևութ, և միայն ամեն օր ալդ ասելով ու սովորելով՝ մենք կարծում ենք թէ ալդ մեզ համար աւելի հասկանալի է: Բացի դորանից բնական երևութների մեխանիքապէս բացատրելը ենթադրել է տալիս մի անշոշափելի սուբստրատ (ատոմներ, եթեր և ալլն), որով ֆիզիկոսը ընկնում է մետաֆիզիկոսի կամական կոնստրուկցիաների մէջ: Ալդ պատճառով էլ գիտութիւնը պէտք է թողնէ այս հարցը՝ երևութների արտադրող պատճառների մասին, և պէտք է բաւականանալ՝ որոշելով անմիջապէս նկատուող կանոնաւորութիւնները (օրէնքի համաձայն ընթացքը):

Ալդ է պոզիտիւիստների միտքը: Նոյն ալդ միտքը չափեւել են նաև զանազան գերմանացի բնագէտներ, բայց ոչ ալդքան սուր կերպարանքով: Այսպէս, Կիրխհոֆը (Kirchhoff ¹⁾ ուսուցանում է, թէ թեօրիական գիտութեան պաշտօնն է միմիայն մանրամասնաբար նկարագրել բնական երևութները և որ ֆիզիքան չի ճանաչում ոլժեր՝ իբր արտադրող պատճառներ: Նոյն կերպ չափեւում է և Մախ (Mach ²⁾, որը ասում է՝ «Այս մի բանը ուղղում ենք մենք հաստատ պահել, որ բնութիւնը հետազօտելիս բոլոր խնդիրը նորանուսն է, որ երևութների իրարից կախումն ունենալը ճանաչենք: Ինչ որ ալդ երևութների լետև մենք մեզ ներկայացնում ենք, միմիայն մեր խելքի մէջ գոյութիւն ունի և պէտքական է միայն իբր մի միջոց ֆորմուլները իշողութեան մէջ պահելու...»: Նոյն կերպ խօսում է և Հարնակ (Harnack ³⁾, որը հերքում է թէ կարելի լինի չափութիւնների փոփոխութիւնները քանակութիւնների փոփոխութիւններով բացատրել:

Կոնտ և Նորա հետևողները ի հարկէ աւելի հեռու են գնում, քանի որ նոքա հերքում են գիտութեան իրաւունքը՝ բազմաառարկ երևութները մի հիմնական երևութի, ալն է՝ շարժողութեան վերածել: Եթէ ալդ հալեացքները ալն նշանակութիւնը ունին, թէ հետազօտողները չը պէտք է իրանց գերի համարեն մեխանիքական թեօրիալի—անկասկած պոզիտիւիստները իրաւունք ունին: Բայց ոչոք չի խանգարում մեխանիքական հալեաց-

¹⁾ «Դասագիրք մաթեմատիքական ֆիզիքայի, աւաջաբն:

²⁾ «Die Geschichte und die Wurzel des Satzes von der Erhaltung der Arbeit».

³⁾ Բնական գիտութիւն և բնագիտական ֆիլոսոֆիայի միւլն: (Հաստատութիւն):

քի կուսակիցներին նորանոր ապացույցներ բերել իրանց հալեացքի օգտին. միայն թէ մինչև որ դեռ բաւականաչափ ապացույցներ չկան այդ թեւորիան վերջնական համարելու համար՝ կասկածը իրաւունք ունի արտապաշտելու:

Բայց պողոտիւ-խտենքի պահանջը, որ ձեռք վերցնենք «ըմբռնելու», «հասկանալու» ձգտումից, — այդ լամենայն դէպս անտեղի է: Ֆիզիքական երևութիւնները բաւականաչափ բացատրուած են և ըմբռնուած մեխանիքական թեորիաով: Իսկ կենդանական աշխարհում, բիօլոգիական երևութիւնների նկատմամբ՝ մենք դեռ չենք կարող ընդունել, թէ ալստեղ ֆիզիքականից դուրս ուժեր կան գործող. քանի որ օրգանիզմների մէջ (բոլոր թէ կենդանու) մենք գտնուած ենք նոյն նիւթերը, որպէս և ոչ օրգանական աշխարհում (այն, ինչ անուանուած ենք մեռած բնութիւն՝ հող, ջուր, քար, մետաղ և այլն): Իսկ եթէ օրգանական աշխարհը կազմուած է նոյն նիւթերից, մենք պէտք է նաև ընդունենք, որ թէ ալստեղ և թէ ալստեղ գործիչ էլեմենտները նոյն օրէնքներով են գործում: Եւ քանի որ ամեն մարդկային գործողութիւն հիմնուած է ֆիզիքական էներգիայի սպառման վերալ, ուրեմն մենք ստիպուած պէտք է ընդունենք, որ մարդկային գործողութիւնն էլ կատարուած է ֆիզիքական օրէնքներով:

Բայց ընդունելով հանդերձ մեխանիքական կամ ատոմական թեորիան, պէտք է արդեօք ընդունել, թէ նիւթը իրօք կազմուած է շօշափելի ատոմներից: Ըստ երևութիւն դա ինքն ըստ ինքեան հասկանալի է: Մի մարմին որ տեսնուած ենք, ուրեմն գոյութիւն ունի, նորա վերջին մասնիկն էլ պէտք է իրական գոյութիւն ունենալ: Բայց այդ կը նշանակէր ընդունել, որ փոփոխուող երևութիւնների հիմքը կազմուած են անփոփոխ ատոմներ, քանի որ մենք տեսանք որ ատոմը անփոփոխ կարող է միայն երեւակաւել: Բայց մինչ ալժամ ոչ բնական գիտութիւնը և ոչ մետաֆիզիքան կարողացել են հաշտել այս մտքի հետ, թէ պալմանականը (փոփոխուողը, երևութը) կարող է բղխել անպալմանից (անփոփոխ իրից կամ արտուտից): Ահա ինչու այդ անպալմանը, արտուտը ամենքից չալսարարուած է որպէս անհասանելի, անճանաչելի: Ահա այն եզրակացութիւնը, որին վերջ ի վերջոյ եկել է Դիւ Բուա-Րէզմօն և ուրիշները և ահա այն հիմունքը, որի վերալ Հերբերտ Սպենսը կառուցել է իւր ազնոստիցիզմի սիստէմը: Բայց հաստատ մնալ այդ սկեպտիքական տեսակէտին բոլորովին անհնարին է, որպէս այդ լաւ ցուց տւեց Սպենսերի ազնոստիցիզմի սիստէմի գործադրութիւնը:

Արդ, այդ լոգիքական անհնարաւորութեան պատճառով (երեւակաւել մի իսկապէս գոյութիւն ունեցող ատոմ և պալմանականի հիմքում անպալմանը տեսնել), մի քանիսը իրանց ապաստարանը ուղում են դնել կանտի վերանցական կամ քենադատական իդէալիզմի մէջ (transcendentaler կամ kritischer Idealismus), որը նորադոյն բնական գիտութիւնների մի քանի ճիւղերի վերալ արդէն մեծապէս ազդել է: Բայց թէ վերանցական իդէալիզմը ինչ դիրք է բռնում այս լօղածում չարուցած խնդիրների մէջ և թէ ինչ միջոցներ է տալիս նա ալստեղ քիչած դժուարութիւնների առաջն առնելու համար, դա մի խնդիր է, որ մենք առաջմ բաց ենք թողնում: